


Badjeolbmuid buresveadjinskuvlejupmi čakčamánuš Levis

**Skuvlejumi ordne Sámi Soster ry ja Lappi ámmátallaskuvla.
Skuvlejumis oahpásmuvvat eare bálgošiid badjeolbmuide, ja
sii besset oahpat áššiid borramušaid birra.**



Govva: Vesa Toppari / Yle

Bádjeolbmuid buresveadjinskuvlejupmi lea čakčamánuš Levis. Skuvlejumi ordne Sámi Soster ry ja Lappi ámmátallaskuvla.

Skuvlejupmi lea oaivvilduvvon bádjeolbmuide ja sin beallalaččat leat maid bures bohtán.

Skuvlejumis oahpásmuvvat eare bálgošiid badjeolbmuide, muitala Sami Soster ry Buorre Boahhteáigi prošeaktahoavda Saara Ketola.

-Ná mu mielas dat ii leat dego dievasládde dego skuvlejupmi ahte dát lea diekkár badjeolbmuide mas deaivvadit eará bálgošiid badjeolbmuid. Dathan álgá dainna lágiin go mii bearjadaga mannát dohko nu mis leat álggahan káfet ja dasto veaháš muitalit dán min vahkkoloahppa birra, ja dásahan bohtet buot bálgošiin ja dat vierrobálgosa olbmot oahpásmuvvet gaskaneaset, dadjá Ketola.

Skuvlejumis badjeolbmát ja sin beallalaččat besset oahpat áššiid borramušaid birra.

-Lávvardatbeaivve mis bohtá dohko dakkár borramuša áššedovdi muitalit borramuša birra, muitala Saara Ketola.

- Mun lean dás vuohtán ahte galhan mis dego lullibeale bálgošiid olbmot máhttet álmuhit ja bohtet, muhto dán min guovllu olbmot, sámioibmot eai máhte dego vuolgit dákkárii masa galgá máŋga vahkku ovdal álmuhit. Mii leat veháš dakkárat ahte mii fuobmát masa mii álget nu mii vuolgit ovtatmano. Mii eat leat hárijánan diesa, dat ii dego gullo min eallinvuohká iige leat goassege gullon. Dalle vuohtá máŋga sámi badjeolbmui, ahte dat eai álmuhit dasa ja de maŋimus beivviid dat riŋgejit dahje juste go dat lea álgime. Dat leat juostá muitán dan beaivvi ja riŋget ahte bessetgo dasa vel fárrui. Ahte diet lea dego vel mis oahppamis dáppe, árvala muitala Sami Soster ry Buorre Boahteáigi prošeaktahoavda Saara Ketola.

Skuvlejupmái ii leat oassálastiin máksu- ja orrun lea nuvtá. Álmuhheapmi skuvlejupmái nohká 15.8.2014.

Oassálastit vástidit ieža mátkke ja boradan goasttádusain.